

Visite pastorale

— o —

Saint-Laurent, I. 22-23 mai.

Litteræ indictionis

*Concilii plenarii Canadensis primi
in urbe Quebecensi habendi*

DONATUS SBARRETTI

Dei et Apostolicæ Sedis Gratia Archiepiscopus Ephesinus
et Delegatus Apostolicus.

Omnibus Illustrissimis et Reverendissimis Metropolitæ et
Episcopis, ac Reverendissimis Vicariis et Præfectis Apostoli-
cis in ditone Domini Canadensis, necnon Reverendissimis
Abbatibus, ac Admodum Reverendis Religiosorum Ordinum
vel Congregationum Præpositis, cæterisque omnibus, qui de
jure vel consuetudine Concilii Plenariis interesse debent.

Pacem et Salutem in Domino.

Admirabili divinæ Providentiæ consilio factum est ut gra-
num sinapis in vastissima Canadensi regione prius a Missiona-
riis depositum, eorumque labore ac sanguine, apostolicoque Præ-
latorum zelo fœcundatum, in magnam excreverit arborem. Ubi
enim incultæ ethnicorum superstitionibus addictæ tribus per
silvas ac æquora aperta vitam ducebant errantem, ubi duo-
bus abhinc sæculis unus venerabilis Quebecensis Episcopus
parvum fidelium regebat gregem, nunc et magnam aboriginum
partem ad veræ Fidei lumen adductam, ingentem catholicorum
numerum, plures Prælatos ad Dioceses ac Vicariatus apostoli-
cos regendos, frequentemque clerum, sive sæcularem sive regu-
larem, pulcherrimas sacras ædes, innumeraque educationis ac
beneficentiæ erecta instituta, gestiente animo conspicimus.

At Ecclesia vi pollens exuberanti licet jam uberrimos in
Canada produxerit fructus, attamen, ad ampliora in dies, pro
Dei gloria, Religionis nostræ incremento, atque animarum
salute, præstanda usque ad sæculi consummationem ordinatur.
Latius ab Ecclesia catholica purissima Evangelii lux diffun-